

БЕКІТЕМІН
«Бірінші болу – батылдық» корпоративтік қорының
Атқарушы директоры

_____ /С.Н. Қазыбаева
« _____ » _____ 2021 ж.

«Winter Run 2021»
жүгіру жарысын өткізу туралы
ЕРЕЖЕ

Алматы қ.
2021 ж.

«Winter Run» 2021 ресми ережелері

Өтетін күні: 27-28 ақпан 2021 ж.

1. ЖАРЫС МАҚСАТТАРЫ

Winter Run – 2021 ж. Алматы марафонының маусымдық қысқы жүгіруі.

Өткізу мақсаты:

- жүгіру және скандинавиялық жүрісті насихаттау;
- әуесқой спортты дамыту;
- зиянды әдеттерден бойды аулақ ұстау (шылым шегу);
- салауатты ұлт қалыптастыру.

2. ЖАРЫСТЫ ҰЙЫМДАСТЫРУШЫ-ЖЕТЕКШІЛЕРІ

2.1. Жалпы жетекшілікті «Бірінші болу – батылдық» корпоративтік қоры жүзеге асырады.

2.2. Жарысты дайындау және өткізуді ұйымдастыру Ұйымдастыру комитеті – «Бірінші болу – батылдық» корпоративтік қорына жүктеледі (бұдан әрі – Ұйымкомитеті).

3. ЖАРЫСТЫ ӨТКІЗУ ОРНЫ ЖӘНЕ УАҚЫТЫ

3.1. Жарыс күні және уақыты: 2021 жылғы 27-28 ақпан, сағат 08.30 бастап 17.00 дейін.

3.2. Сөре орны: Алматы қ., «Алматы Арена» мұз сарайының аумағы.

4. ҚАШЫҚТЫҚТАР ЖӘНЕ ЖАС САНАТТАРЫ

4.1. Жарыс бағдарламасына төмендегілер кіреді:

Жүгіру 11,3 км,

Скандинавиялық жүріс 7,4 км.

4.2. Жас санаттары:

- 15-34 жас;
- 35-49 жас;
- 50-59 жас;
- 60 жастан үлкен.

5. ЖАРЫС ҚАТЫСУШЫЛАРЫ

5.1. Жүгіру жарыстарына қатысуға төмендегілерге рұқсат етіледі:

11,3 км – 15 жастан бастап және одан үлкен қатысушылар;

Скандинавиялық жүріс 7,4 км – 15 жастан бастап және одан үлкен қатысушылар.

5.2. Бір мезетте бірнеше қашықтыққа жүгіру жарысына қатысуға тыйым салынады.

5.3. Тіркеу кезінде жарыс өту кезіндегі толық жас саны есепке салынады.

6. ЖАРЫСТЫ ҰЙЫМДАСТЫРУ ЖӘНЕ ӨТКІЗУ ШЫҒЫНДАРЫ

6.1. Жарысты ұйымдастыру және өткізу шығындарына жауапкершілікті Ұйымкомитеті көтереді.

6.2. Жол, орналасу және тамактану шығындарын жіберуші ұйымдар немесе қатысушылардың өздері көтереді.

7. ТІРКЕУ. ЖАРЫСҚА ҚАТЫСУҒА РҰҚСАТ ЕТУ ШАРТТАРЫ

7.1. Қатысушыларды тіркеу www.almaty-marathon.kz сайтында 2021 жылдың 8 ақпанында басталып, 2021 жылдың 21 ақпанының 23:59:59 немесе тіркелген қатысушылар саны 2 мыңға жеткенде аяқталады.

7.2. Онлайн-тіркеуден өтіп, осы нақты жүгіру жарысына тіркелу фактісі бойынша берілген ID-нөміріне сай сөрелік жарнаны төлеген қатысушы тіркелген болып саналады. Қатысушылар тізіміне тек ақысы төленген өтінімдер ғана енгізіледі.

7.3. Тіркелу және сөрелік жарнаны төлеу арқылы қатысушы Жарыс Ережелерімен келіседі.

7.4. Сөрелік жинақтарды беру 2021 жылдың 23 және 25 ақпанында жүзеге асырылады. Барлық қатысушылар лектерге бөлінеді. Әр лек өзінің сөрелік жинағын қатаң бекітілген уақытта алып кетеді. Әр қатысушы өзінің уақыты жайлы хабарлама алады.

Назар аударыңыз! Сөрелік жинақтар басқа күндері берілмейді.

7.5. Қатысушылар жарысқа қатысушы пакетін беру кезінде көрсетілетін құжаттар болған кезде ғана жіберіледі:

18 жастан кіші қатысушылар үшін:

- Жеке бас куәлігінің көшірмесі (туу туралы куәліктің көшірмесі);
- Жарысқа қатысуға рұқсат беру туралы ата-ананың екеуінің қолхаты;
- Қолхатқа өз қолдарын қойған ата-ананың екеуінің де жеке бас куәліктерінің көшірмесі.

18 жастан бастап және одан үлкен қатысушылары үшін:

- Жеке бас куәлігі;
- Денсаулық туралы қолхат.

7.6. Қатысушы өзінің сөрелік нөмірін алып кете алмайтын жағдайларда өзге адам қатысушының жеке бас куәлігінің көшірмесін, сөрелік нөмірді алатын адамның жеке куәлігінің көшірмесін және қатысушының атынан жазылған денсаулық туралы қолхатты көрсету арқылы сөрелік нөмір берілетін күні алып кете алады.

7.7. Сөрелік жарна:

11,3 км қашықтық – 4 000 теңге;

Скандинавиялық жүріс 7,4 км – 4 000 теңге.

7.8. Жарысқа қатысуға төленген қаражат қайтарылмайды. Қате немесе өзгенің ID-нөміріне жіберілген қаражат қайтарылмайды және басқа қатысушыға аударылмайды.

7.9. Сөре нөмірі жоқ қатысушылар жарысқа жіберілмейді.

7.10. Сөре нөмірі анық көрінуі керек, сөре нөмірі алдыңғы кеудеге немесе белдік белбеуіне орналастырылуы керек;

7.11. Өзге біреудің нөмірімен қатысуға тыйым салынған. Сөре нөмірін өзге қатысушыға беру фактісі анықталған жағдайда нөмірді берген және өзгенің нөмірін алған қатысушы нәтижесі жоққа шығарылып, осы жарыстан аластатылады. Келесі 3 жарысқа да жіберілмейді.

7.12. Құлаққаппен қатысуға кеңес берілмейді.

7.13. Сөрелік қалаға кіру тек медициналық немесе қайта пайдалануға болатын маскада рұқсат етіледі. Қатысушылар сөреге шыққанға дейін кемінде 1,5-2 метр қашықтықты сақтауға, сондай-ақ ұйымдастырушылардың нұсқауларын сақтауға міндеттенеді.

Өзіңді нашар сезінсеңіз, үйде болыңыз. Ұйымдастырушылар мен еріктілердің қатысушыда температура немесе вирустық ауру белгілері болған жағдайда сөрелік қалашыққа кіруіне тыйым салу құқығы бар.

Сөре басталғанға дейін бірнеше күн бұрын қатысушыларға ПТР-тест тапсыру ұсынылады.

7.14. Әр қатысушы тек өзінің уақытша кластерінен бастауға міндетті. Басталу уақыты іс-шараның таймингінде көрсетілген.

7.15. Қатысушы **спорттық іс-шарада Covid-19 вирустық ауруының таралуына қарсы күрес жөніндегі Регламентте** жазылған барлық ережелерді оқып, сақтауға міндетті.

7.16. Мемлекеттік қызметтерден «Winter Run 2021» іс-шарасын өткізуге ресми тыйым салынған жағдайда, ол онлайн немесе неғұрлым кеш мерзімге ауыстырылады. Нақты күн мен формат кейінірек айтылады. Қатысушылардың бұрын енгізген барлық сөрелік жарналары автоматты түрде кеш мерзімге немесе онлайнға ауыстырылады.

8. НӘТИЖЕЛЕРДІ САНАУ ЖӘНЕ ЖЕҢПАЗДАРДЫ АНЫҚТАУ

8.1. Жүгіруге қатысушылардың нәтижесін электрондық хронометраж жүйесі белгілеп алады және оны сот алқасы растайды. Жүгіру жарысының жеңімпаздары мен жүлдегерлері қатысушының мәре уақыты бойынша анықталады.

8.2. Жүгіру жарысы жеңімпаздары мен жүлдегерлерін анықтау IAAF 165.24 («IAAF жалпы ережелері») ережелеріне сай келу фактісі бойынша жүзеге асырылады;

8.3. Ресми қорытындылар www.almaty-marathon.kz сайтында іс-шара аяқталған соң 24 сағат ішінде жарияланады.

8.4. Жарысқа қатысушының нәтижелері сөре нөмірі дұрыс тағылған жағдайда ғана тіркеледі;

8.5. Жарыстардың Ұйымкомитеті төмендегі жағдайларда әрбір қатысушының жеке нәтижеге ие болатынына төмендегі жағдайларда 100% кепілдік бере алмайды:

- Чиптің дұрыс тағылмауы;
- Чиптің магнитсіздендірілуі;
- Сот алқасының шешімі бойынша жарыстан шығару.

8.6. Нәтижелерді шығару кезінде қолданылатын терминология:

- DNS – Did not start (қатысушы сөреге шыққан жоқ)
- DNF – Did not finish (қатысушы мәреге жеткен жоқ)
- DSQ – Disqualified (қатысушы жарыстан шығарылды)
- CR – Championship Record (жарыстар рекорды)
- GUN TIME – Мәре уақыты - қатысушының сөре белгісінің берілуінен бастап мәре маттарынан өткенген дейінгі уақыты.
- CHIP TIME – Чип уақыт – қатысушының сөре маттарынан бастап мәрте маттарына өткенге дейінгі уақыты.

МАҢЫЗДЫ! Жүгірудің жеңімпаздары мен жүлдегерлері қатысушының чип-уақыты бойынша анықталады.

9. ЖЕҢІПАЗДАРДЫ АНЫҚТАУ ЖӘНЕ МАРАПАТТАУ

9.1. 11 қашықтығы - ерлер мен әйелдер арасындағы қатысушыларды әр жас санатында 1-3 орындар үшін марапаттау.

Жеңімпаздар мен жүлдегерлер мақтау қағазы, медаль мен бағалы сыйлық алады.

9.2. Жарыстың мәреге жеткен барлық қатысушылары мәреші медалін алады.

9.3. Жеңімпаздарды марапаттау шара өткен соң 5 жұмыс күн ішінде «Бірінші болу – батылдық» корпоративтік қорының кеңсесінде Алматы қаласы, Әл-Фараби алаңы 5к1 а, 501 кеңсе мекенжайы бойынша дүйсенбі-жұма күндері аралығында сағат 11.00-ден 16.00-ге дейін өткізіледі.

Қатысушы сыйлықтарды өз бетінше алып кете алмайтын және бұл істі сенімді тұлғаға тапсыра алмайтын жағдайда жеңімпаз info@almaty-marathon.kz поштасына ұйымдастырушылар алушының есебінен жібере алатын мекенжайды жібере алады.

10. ЖАРЫСТАН ШЫҒАРЫЛУЫ

10.1. Ұйымдастырушылар қатысушыны келесі жағдайларда жарыстан шығаруға құқылы:

- қатысушы сөре ресми басталмай жатып жүгүруді бастады;
- қатысушы жүгүруді сөре аймағы жабылғаннан кейін бастады;
- қатысушы сөреге сөре нөмірсіз шықты;
- қатысушы ұйымдастырушылардың, төрешілердің немесе бас дәрігердің нұсқаулары мен ескертпелеріне назар аудармайды;
- қатысушы жарыс ережелерін бұзған жағдайда;
- қатысушы екі қашықтықта немесе екі және одан да көп команда құрамында жүгірді, бұл қатысушыны да, команданы да дисквалификациялауға алып келеді.

10.2. Қатысушылар қорытынды хаттамадан шығарылуы жағдайлары:

- қатысушы басқа адамға тіркелген нөмірімен жүгірді;
- қатысушы қашықтықты қысқартты;
- қатысушы тіркелмеген қашықтықты жүгірді;
- қатысушы қол асты көлік құралдарын қолданды (велосипед, мотороллер және т.б.);
- қатысушы жарысты сөре аймағынан емес жерден бастады;
- қатысушы белгілі бір жарыстың ресми нөмірінсіз жүгіріске қатысты немесе нөмір киім астында жасырылды.

11. ЖАРЫС БАҒДАРЛАМАСЫ

11.1

27 ақпан (сенбі) - 15-34 санаты;

28 ақпан (жексенбі) - 35 жастан жоғары және скандиваниялық жүріс санаты.

12. СОТ АЛҚАСЫ

12.1. Сот алқасы. Төрешілер жарыс ережелерінің сақталуын, спорттық доданың әділ және дұрыс жүргізілуін, ал жеңімпаздың объективті түрде анықталуын мұқият бақылайды. Осы жарыста қызмет көрсететін спорт төрешілерінің барлығы сот алқасын құрайды.

12.2. Сот алқасына төмендегілер кіреді:

• Жарыстардың бас төрешісі

Бас төреші төрешілер арасында міндеттерді бөледі. Жарыстар аяқталған соң бас төреші іс-шара туралы есеп құрады және онымен қоса жарыстар нәтижелерін Ұйымкомитетіне ұсынады.

• Жарыстардың бас хатшысы

Жарыстардың бас хатшысы хаттамаларды өңдейді және нәтижелерді шығарады, төрешілерге, қатысушыларға және көрермендерге сөрелердің барысы туралы уақтылы ақпарат беру үшін қажетті материалдарды құрастырып, соңында нәтижелер бойынша жалпы есебін шығарады.

• Сөре-мәре аймағының төрешілері

Сөре-мәре аймағының төрешілері сөре кезінде ережелердің сақталуы және ешкімнің артықшылықтарға ие болмауы үшін спортшылардың қашықтыққа кластерлерге сәйкес баруын қадағалайды. Төрешілер мәре түзуінде алғашқы 10 мәрешіні мәре хаттамаларына белгілейді. Хаттамалар нәтижелерді хронометраж жүйесімен салыстыру үшін бас төрешіге беріледі.

Сот алқасына кәсіби спортшылар мен мамандарды шақыруға рұқсат етіледі.

12.3. Жарыстың бас дәрігері

Жарыстың бас дәрігері медициналық қызметкерлер мен еріктілердің қашықтық жолын және сөре-мәре қалашығының жұмысын бақылайды. Қажет болған жағдайда, бас дәрігер қатысушыны конкурстан алып тастай алады.

13. НАРАЗЫЛЫҚТАР МЕН ШАҒЫМДАР

13.1. Наразылықтар Ұйымдастыру комитетіне беріледі және оларды сот алқасы қарайды

13.2. Қатысушы іс-шара аяқталғаннан кейінгі 2 (екі) күнтізбелік күннің ішінде шағым беруге құқылы.

Шағымдар info@almaty-marathon.kz электрондық мекен-жайына жіберіледі

Шағым беру кезінде төмендегі мәліметтерді көрсету қажет:

- тегі және аты (аты көрсетілмеген шағымдар қаралмайды);
- шағымның мәні, шағымның мазмұны;
- шағым жасауға түрткі болған негіздер (фотосурет, жеке секунд өлшеуіш, субъективті пікір және т.б.).

13.3. Ұйымкомитеті шағымның немесе наразылықтың берілген сәтінен бастап 24 сағаттың ішінде шағым берілген электрондық мекенжайға жіберілетін ресми жауап дайындайды.

13.4. Шағымдар тек қатысушылардан қабылданады.

14. БАҚ-ТЫ АККРЕДИТАЦИЯЛАУ

14.1. БАҚ-ты аккредитациялау алдына ала жүргізіледі. Аккредиттелу үшін мәліметтерді (БАҚ аты, корреспонденттің, оператордың, фотографтың аты-жөні, байланыс телефоны мен e-mail) prmanager@almaty-marathon.kz поштасына 2021 жылдың 26 ақпанына дейін жіберу қажет.

15. АҚПАРАТ КӨЗДЕРІ

15.1. Іс-шара туралы толық ақпарат www.almaty-marathon.kz сайтында, сондай-ақ мына әлеуметтік желілердің аккаунттарында көрсетілген:

vk.com/almatymarathon

facebook.com/almatymarathon

instagram.com/almatymarathon

https://t.me/almaty_marathon

Басқа ақпараттық ресурстардағы ақпарат үшін Ұйымкомитеті жауапкершілік көтермейді.

16. ҚОРЫТЫНДЫ ЕРЕЖЕЛЕР

16.1. Осы Жарыс ережесі Жарысқа қатысу үшін ресми шақыру болып табылады.

16.2. Ұйымдастырушы осы Жарыс ережесіне өзгерістер енгізу құқығын өзіне қалдырады.